

RESOLUCIÓN REITORAL DE 11 DE NOVIEMBRE DE 2014 POLA QUE SE APROBA UN PROCEDIMIENTO PARA O ESTABLECIMENTO DE COMPLEMENTOS DE FORMACIÓN EN PROGRAMAS DE DOUTORAMENTO, PARA O CURSO 2014/2015

No curso 2013/2014 implantáronse, con carácter xeral, os novos programas de doutoramento regulados polo Real Decreto 99/2011. Nestes programas contéplase por primeira vez a posibilidade de establecer complementos de formación para aqueles estudantes que, segundo a súa titulación de acceso, necesitarían formación en determinadas disciplinas para poder seguir adecuadamente os contidos do programa de doutoramento.

A experiencia do curso pasado, no que tiveron lugar algunhas disfuncións no procedemento de definición destes complementos, nalgúns programas de doutoramento, invita a ordenar no curso actual dito procedemento, sobre todo naquilo que implica tanto a Comisións Académicas de Máster como a Comisións Académicas de Programas de Doutoramento.

Por todo o anterior, e a solicitude do Director da Escola Internacional de Doutoramento, esta Reitoría

RESOLVE


PRIMEIRO: Establecer un prazo entre o 12 e o 18 de novembro de 2014 para que aqueles programas de doutoramento que requiran a incorporación no seu plan de estudos de complementos de formación que constitúen materias de plans de estudo dun máster da Universidade de Vigo, soliciten á Sección de Posgrao dita inclusión, de forma motivada e con indicación do número de alumnos por materia. Cada programa terá que presentar unha solicitude no formulario TC-47 por cada máster que oferte posibles complementos de formación.

SEGUNDO: Entre o 19 e o 21 de novembro a Sección de Posgrao ordenará as solicitudes recibidas notificándoas aos másteres afectados.

TERCEIRO: Entre o 24 e o 26 de novembro as Comisións Académicas dos másteres poderán emitir informe sobre a posibilidade de que as materias solicitadas como complementos de formación, poidan aceptar aos alumnos propostos. No caso de que o informe sexa negativo, este deberá de motivarse.

CUARTO: A Comisión Permanente da Escola Internacional de Doutoramento valorará e aprobará, no seu caso, as solicitudes de complementos de formación realizadas polos programas de doutoramento, tendo en conta os informes achegados polas Comisións Académicas dos másteres afectados.

QUINTO: No caso de que exista vinculación entre o programa de doutoramento e o máster do que se pretenden utilizar materias como complementos de formación, todo o procedemento pode



reducirse ao establecido no apartado primeiro desta resolución, incluíndo xa no formulario TC-47 o visto e prace da Comisión Académica do Máster para a utilización desas materias, no cadro específico ao efecto, en cor gris.

SEXTO: En base ao disposto pola normativa vixente, os estudantes que realicen materias de máster como complementos de formación dun programa de doutoramento non poderán contabilizarse como estudantes de máster, aos efectos de acadar o número mínimo de estudantes de novo ingreso marcado pola normativa autonómica.

SÉTIMO: Para calquera aclaración ou interpretación desta normativa estarase ao disposto pola Comisión Permanente da Escola Internacional de Doutoramento.

Contra esta resolución, que esgota a vía administrativa, poderá interpoñerse recurso ante a xurisdición contencioso-administrativa, no prazo de dous meses contados dende o día seguinte ao da súa publicación, de conformidade co disposto na Lei 29/1998, de 13 de xullo, reguladora de xurisdición contencioso-administrativa.

Non obstante, e de acordo cos artigos 116 e 117 da Lei 30/1992, do 26 de novembro de réxime xurídico das administracións públicas e do procedemento administrativo común, poderán, previamente, interpoñer recurso potestativo de reposición no prazo dun mes, tamén a contar dende o día seguinte á súa publicación, perante este órgano.

Vigo, 11 de novembro de 2014

O REITOR,
Por delegación (R.R. 07/05/2014)
A VICERREITORA DE ORGANIZACIÓN
ACADÉMICA E PROFESORADO



Ana M^a Graña Rodríguez

VICERREITORA DE ESTUDANTES
VICERREITOR DE EXTENSIÓN UNIVERSITARIA E RELACIÓNS INTERNACIONAIS
SECRETARIA XERAL
DIRECTOR DA ESCOLA INTERNACIONAL DE DOUTORAMENTO (EIDO)
DECANAS E DECANOS E DIRECTORAS E DIRECTORES DE TODOS OS CENTROS
XEFA DO SERVIZO DE ALUMNADO
XEFE DO SERVIZO DE EXTENSIÓN UNIVERSITARIA
DIRECTOR DE ÁREA DE POSGRAO
ADMINISTRADORAS E ADMINISTRADORES DE CENTROS
XEFE DA SECCIÓN DE POSGRAO E FORMACIÓN CONTINUA
XEFAS E XEFES DE ADMINISTRACIÓN OU ÁREA ACADÉMICA DE TODOS OS CENTROS
RESPONSABLES DOS REXISTROS
XEFAS E XEFES DAS ÁREAS DE SERVIZOS Á COMUNIDADE
XEFA DO NEGOCIADO DE INFORMACIÓN XERAL